

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

उपराज्यपाल मनोज सिन्हा होरें आखेआ ऐ जे 2047 तगर भारत गी इक विकसित मुख्य बनाने लेई असेंगी हर इक नागरिक दी बेहतरी ते खुशहाली गी जकीनी बनाना होग।

उपमुख्यमंत्री सुरिन्दर चौधरी होरें आखेआ ऐ जे सरकार दी मंशा, जम्मू कश्मीर गी 12 महीने सैलानिएं दी पैहली प्रसिद्ध बनाना ऐ। उनें सीआईटी दी उत्तरी क्षेत्र सैलसफा ते खातर तवज्जो समिति दी बैठक दी संबोधत कीता।

मुख्य सचिव अटल डुल्लू होरें आखेआ ऐ जे हर इक करोपी सिक्खने लेई इक सबक ऐ। यूटी सतह दी इक कार्यशाला च उनें इंसीडेंट रिस्पोंस सिस्टम बारे इक कताब बी जारी कीती।

जम्मू थमां अज्ज बडलै 6 ज्हार कोला मते अमरनाथ श्रद्धालुएं गी लेइयै इक होर जत्था घाटी लेई रवाना होआ। कारगिल विजय” गी चेता करने ते ऑपरेशन सिंदूर दी कामयाबी दा लक्ष्य मनाने लेई इक महिला बाइक एक्स्पीडीशन जम्मू थमां रवाना।

<><><><><><>

LG-IIM

उपराज्यपाल मनोज सिन्हा होरें आखेआ जे जिआं अस 2047 तगर भारत गी इक विकसित मुख्य बनाने दी बत्ता पर आं असेंगी चाहिदा ऐ जे अस बेहतरी ते खुशहाली गी जकीनी बनाचे। उपराज्यपाल होरें एह गल्ल भारतीय प्रबंधन संस्थान जम्मू च 5 दिनें दे आपरेशन कार्यक्रम दे समापन सत्र गी संबोधत करदे होई आक्खी। उपराज्यपाल होरें अपने संबोधन च आईआईएम जम्मू दे विद्यार्थिएं गी आखेआ जे ओह लोकें दे जीवन बदलने ते समावेशी तरक्की लेई जोर लान। प्रधानमंत्री हुंदे नेतृत्व दे गुणें बारे दस्सदे होई उपराज्यपाल होरें आखेआ...

इस मौके उपपर उपराज्यपाल होरें परिसर दे अंदर तेजस स्पोर्ट्स कंपलेक्स दा बी उद्घाटन कीता।

<><><><><><>

Dy CM-CII

उपमुख्यमंत्री सुरिन्दर चौधरी होरें कल श्रीनगर च आयोजित कनफैडरेशन ऑफ इंडियन इंडस्ट्री यानि भारतीय उद्योग महासंघ दी सैलसफा ते हास्पैलिटी सरबंधी उत्तरी क्षेत्रीय कमेटी दी पैहली बैठक दी अध्यक्षता कीती। इस बैठक च सैलसफा गी परतियै बत्ता पर आह्मने लेई ते जम्मू कश्मीर गी वैश्विक सैलसफा दे हब दे तौरा पर स्थापत करने बारे चर्चा कीती गई। बैठक गी संबोधत करदे होई उपमुख्यमंत्री होरें जम्मू कश्मीर दे सैलसफा दी तरक्की गी बढ़ावा देने बारे केई मुख् बिंदुएं उप्पर लोह पाई। उनें आखेआ जे सरकार जम्मू कश्मीर गी सैलानिएं दी सैलसफालेई 12 म्हीनें पैहली प्रसिद्ध बनाने लेई प्रतिबद्ध ऐ।

<><><><><><>

MP-DISHA

मिंबर पार्लियमैट जुगल किशोर शर्मा होरें कल रियासी च जिला विकास तालमेलते निगरान कमेटी “दिशा” दी बैठक दी अध्यक्षता कीती ते जिले च केन्द्रआस्सेआ प्रायोजित स्कीमें दी अमलावरी ते जारी विकास परियोजना दी प्रगति ते रफ्तार दा जायजा लैता। जुगल किशोर शर्मा होरें जिनें प्रमुख परियोजनाएं दी प्रगति बारे तफसीली चर्चा कीती। उंदे च दिल्ली—अमृतसर—कटरा एक्सप्रेस वे, बीएमजी रोड, आरएएम रोड ते कन्ने होर केई बडिडियां ढांचागत विकास योजनाएं ते केन्द्र आस्सेआ प्रायोजित स्कीमां शामत रेइयां। उनें सरबंधत अफसरें गी निर्देश दित्ता जे परियोजनाएं गी मिथ्हे गेदे समें दे अंदर अंदर तोड़ चाढ़ना जकीनी बनाने दे कन्नोकन्नी स्कीमें दा लाह् समें सिर हर लाभार्थी तोड़ी पुज्जे। एह्दी बी पक्की बवस्था करनी लोड़चदी। उनें कम्में गी तोड़ चाढ़ने लेई मिथ्हे गेदे लक्ष्येंग ी ध्याने च रखदे होई मंजूर रकम दा पूरा पूरा इस्तेमाल करने पर जोर भरेआ। बैठक दरान कटरा सरबंधी केई मुद्दे बी, नुमायंदे आस्सेआ पुट्टे गे। श्री माता वैष्णो देवी विधानसभा हल्के थमां विधायक बलदेव राज शम्र होरें आखेआ.....

<><><><><><>

Rana-AIFOF

ऑल इंडिया फारेस्ट आफिसर फ़ैडरेशन दे पदाधिकारिएं कल श्रीनगर सिविन सचिवालय च जंगलात सरबंधी मंत्री जावेद अहमद राणा हुंदे कन्नै मलाटी कीती। प्रिंसिपल चीफ कंजरवेटर ऑफ फारेस्ट सुरेश कुमार गुप्ता हुंदी अगुवाई च प्रतिपिधिमंडल नै मंत्री होरें गी जानकारी दित्ती जे वन शहीदी दिवस 2025 दा मुख् समारोह 11 सितम्बर 2025 गी श्रीनगर च मनाया जाग।

इस समारोह दा मकसद जंगल कन्नै सरबंधत उनें लोकें ते बलिदान गी चेता करना ऐ जिनें ड्यूटी करदे होई अपनी जान गोआई ही। मंत्री होरें इस राश्ट्री स्तर दे समारोह गी श्रीनगर च आयोजित करने आस्तै फैंडरेशन दी सराहना कीती।

<><><><><><>

CS-Disaster

कुदरती करोपिएं ते होरने आपदाएं दरान कारवाइएं ते हुंदे लेई तैआरिएं बारे जम्मू कश्मीर प्रशासन आस्सेआ इक विशेष कार्यशाला दा सरिस्ता कीता गेआ जेहदा विषे “इंसीडेंट रेस्पॉल्स सिस्टम” यानि घटना पर प्रतिक्रिया ते कारवाई लेई सरिस्ता—बवस्था। इस कार्यशाला च मुख्य सचिव अटल डुल्लू गृह ते आपदा प्रबंधन सरबंधी प्रधान सचिव चन्द्राकर भारती ते राश्ट्रीय आपदा प्रबंधन सरबंधी केई माहिर बी शामिल होए। अपने उद्घाटनी भाषणै च मुख्य सचिव होरें नागरिकें ते संस्थानें च आपदाएं कन्ने निबड़ने लेई तैआरियां करी रखने दे चलन गी विकसित करने पर जोर दित्ता। जम्मू कश्मीर दे भू—राजनैतिक ते पर्यावरण सरबंधी संवेदनाएं गी उजागर करदे होई अटल डुल्लू होरें आखेआ जे जम्मू कश्मीर च केई चाल्ली दे संकटें दी शैका बनी दी रौंहदी जिंदे छड़ियां कुदरती करोपियां गै नेई होर केई चाल्ली दे संकअ ते चुनौतियां बी शामिल न। जिंदे च ल्हास पस्सिया बद्दल फटने, बन्ने पारा पेदा होने आलियां चुनौतियां बी शामिल न, इस करियै कुसै बी चाल्ली दी आपदा विपदा दी सूरतै च तुरत कारवाई दी निगगर बड़ी जरूरी ऐ। मगरा मुख्य सचिव होरें एह बी आखेआ जे हर इक करोपी सिक्खने लेई इक सबक ऐ। आइआरएस बारे जानकारी आली इक कताब बी जारी कीती गेई।

<><><><><><>

Amarnath Yatra

सख्त सुरक्षा बंदोबस्तें हेठ अज्ज बडलै जम्मू दे भगवती नगर आले यात्री निवास आधार शिविर थमां 6 ज्हार 36 श्रद्धालुएं दा नमां जत्था कश्मीर घाटी लेई रवाना होआ। जम्मू थमां रवाना होने आला इस यात्रा दा एह 17मां जत्था हा। लौहकिएं—बडिडएं कुल 211 गडिडएं दे काफले व सोआर इनें यात्रिएं च 4 ज्हार 690 मर्द, 1 ज्हार 499 महिला, 41 न्याणे, 100 साधु ते 27 साध्वियां शामिल हियां, जेहडे बमबम भोले दे जयकारे लांदे बडलै मुंह न्हरे इत्थुआं रवाना होए। इंदे च 3 ज्हार 514 यात्रु पहलगाम आले ते 2ज्हार 851 बालटाल आले रस्तेया पवित्र गुफा च मत्था टेकने लेई जांगन।

<><><><><><>

Bikar Expedition

कारगिल विजय दिवस दे चेते च माई भारत बाइकर्स एक्सपीडीशन गी कल जम्मू दे बलिदान स्तम्भ थमां झंडी दस्सियै रवाना कीता गेआं इस एक्सपीडीशन च शक्ति उद्योग फाउंडेशन थमां 26 महिला बाइकर सोआर शामिल न, जेड़ियां इआं 1999 आले कारगिल युद्ध च भारतीय सैनिकें दी दलेरी ते जित्त दे कन्नो कन्नी इस बारे च मई महीने चलाए गेदे आपरेशन सिंदूर दी कामयाबी दे जश्न दे प्रतीक दे तौरा पर इस बाइक एक्सपीडीशन पर न। इनें बाइकरें दी बरधां दे मौके किश्तवाड़ थमां विधायक शगुन परिहार, माई भारत जम्मू कश्मीर दे प्रदेश डॉ. पिसार अहमद ते डिप्टी कमांडर कर्नल एम.एस.भानबी मजुद हे। इस मौके इक बाइकर नै आखेआ.....
बाईट

<><><><><><>

Udh Mission YUVA

रोजगार विभाग आसेआ कल उधमपुर च इक कार्यक्रम दा आयोजन कीता गेआ जेहदे च डिप्टी कमिशनर सलोनी राय होरें मिशन युवा स्कीम दे तैहत् 12 लाभार्थिएं गी मंजूरिएं आहलियां चिट्ठियां बंदिडयां। इस मौके उपपर रोजगार विभाग दे डिप्टी डरेक्टर मोहिंदर कुमार शर्मा ते जम्मू-कश्मीर बैंक दे नुमाइंदे बी उत्थे मजुद हे। किट्ठ गी संबोधित करदे होई डिप्टी कमिशनर होरें मिशन युवा दे तैहत् लाह हासल करने लेई लाभार्थिएं गी मुबारकबाद दित्ती ते उ'नेंगी गुजारिश कीती जे ओह तौले शा तौले अपने कारोबारी युनिट स्थापित करन तांजे उ'दी कामयाबी दी कहानी होरनें बेरोजगार नौजवानें लेई प्रेरणा दा जरिया बनी सकै।

<><><><><><>